

اسم الله الرزاق | اللقاء 10) | #أسماء_الله_الحسنى | د .

حازم شومان

حازم شومان

السلام عليكم ورحمة الله وبركاته. الحمد لله وكفى صلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت -

[00:00:00](#)

الوحيد. اما بعد اخواني واحبابي في الله. النهاردة مع اسم جديد من اسماء الله الحسنى. اسم الله النهاردة رسالة للامة كلها رسالة لكل واحدة سنها كبر وما اتجوزتشي اوعي تياسي رسالة لكل شاب لسه متخرج ومحتاج شغل ومحتاج بيت ومحتاج شقة ومحتاج زوجة

[00:00:38](#) -

ورسالة لكل واحد اتجوز ولسه ما رزقش الذرية. رسالة لكل واحد في الامة دا هي كلها اسم الله الرزاق. اسم ضد فقر النهاردة هنعرف مع بعض اسهل الطرق انك انت تبقى انسان غني. غني بحق وحقيقي. بكل معاني الغنى. النهاردة يا اخوانا هنتعرف على - [00:00:58](#)

مفاتيح خزائن الله سبحانه وتعالى اسم الرزاق اسم ضد الفقر. اسم للي عايز يحسن الاستاندر دريفيل بتاع حياته. اسم الله الرزاق اسم ضد الانتحار اربع تلاف واحد بينتحروا يوميا على وجه الارض. اربع تلاف. السبب الاول للانتحار الاكتئاب. والسبب الاول للاكتئاب

[00:01:18](#) - الفقر. فاسم الله -

الرزاق ضد الانتحار. مرة رايعين لاسرة من الاسر الفقيرة. فاللي يعني بتعرفني الاسرة. بتقول لي كانوا سبع اولاد ويقوا ستة. فبقول لها ليه قالت لي واحد انتحر من الفقر ما قدرش يستحمل الفقر. واحد من الناس ما كانش معه غير عشرة جنيه. فزوجته بتقول له

[00:01:38](#) - هات لنا اي حاجة ناكلها انا والعيال. هات لنا -

بطاطس وازازة زيت مشي بالعشرة جنيه على الكوبري وقاعد يقول الحاجة غليت. والاكل غلي والزيت غلي ورمي نفسه من على كوبري طلخا الفقر خلى ناس تنتحر كتير اوي يا جماعة. الفقر خلى ناس ياما تنتحر. والعياذ بالله وتعاجل الله بنفسها. من كتر ما هي -

[00:01:58](#)

عشان كده اسم النهاردة بيحل لك اكبر مشاكل في حياتك. بيخرجك من دايرة الاختناق ودايرة الفقر ودايرة الاكتئاب. معظم طب الطلاق بسبب ان ما فيش فلوس في البيوت. الست متوترة الراجل متوتر الاثنين يضغطوا على بعض. اسم النهاردة للي عايز يتجوز

[00:02:18](#) - واللي عايز شقة. واللي مش لاقى -

قول للي عايز دخل وللي عايز يرفع مستوى معيشتة. اسم الله الرزاق رسالة للامة كلها. رسالة للاغنيا. فلوسكم دي مش بتاعتكم انتم ممكن تحبوا الفقير في الرزاق؟ وممكن تشككوا الفقير في الرزاق. رسالة للفقراء. اوعى وانت ربك اسم الرزاق - [00:02:38](#)

مد ايدك على مال حرام. اوعى وانت ربك اسم الرزاق. تذلل نفسك لحد عشان لقمة العيش. او عشان الجنيه اسمه النهاردة رسالة. رسالة للي بيقولوا هيحصل اللي اقتصادي ومش هنلاقي ناكل. رسالة للي ما ولاده بيقولوا له عايزين طلبات يقول لهم اجيب منين؟

[00:02:58](#) - اجيب منين؟ هنعرف النهاردة نجيب منين؟ اسم النهاردة -

رسالة لجيل التسعينات. الجيل اللي بيعتبر نفسه مدمر. الجيل اللي بيعتبر نفسه اتظلم من الجميع. والدنيا قدامه سواد في سواد. والعياذ بالله اللي مش متصل بالله سبحانه وتعالى. اسم النهاردة رسالة للي بياكل حرام. اسم النهاردة رسالة لنا كلنا يا جماعة. رسالة

للجميع. رسالة - 00:03:18

اسهل الطرق للدنيا. اسهل الطرق للزواج. اسهل الطرق لتحسين معيشتك. اسهل الطرق لتحصيل ارزاق كثير اوي اوي اوي الرزق ما طلعتش فلوس والنهارده هنبدا ان احنا نعرف ان الرزق ما طلعتش فلوس. رسالة النهاردة اسم النهاردة معركة مع اكبر حاجة قتلت البني ادمين - 00:03:38

اكثر حاجة امرضت الناس. واكثر حاجة ملت عيادات الامراض النفسية. الهم النهاردة اسم النهاردة معركة ضد الهم ضد هم الرزق وهم هعمل ايه بكرة؟ وهم هجيب منين لما اكبر وهم هتجوز منين؟ وهم شاب بيقول لي انا باشرب مخدرات - 00:03:58
اعمل ايه؟ هي بايظة بايظة اصلا. لما عشرين جنيه خم سنة وثلاثة اصحابي في سيجارة حشيش بها. ونسى الدنيا ونفصل ما هي بايظة بايظة. يا اه ياه على اللي مش عارف الرزاق حياته صعبة اوي. حياته ضنك يا اخواني والله. اللي مش متصل قلبه بالرزاق وعارف مين هو الرزاق - 00:04:18

اقف معه تحس ان انت جا لك اكتئاب وانت واقف مع وهو مستحمل نفسه ازاي؟ اللي مش عارف يعني ايه الرزاق؟ اسم النهاردة حركة ضد اكبر قيد شل الناس عن ربنا. اكبر سبب طائف خلى الناس تسيب الجوامع. اكثر ناس اكثر شيء صرف الناس عنهم -

00:04:38

الرزاق هو الرزق. اكثر ناس اكثر حاجة شغلت الناس عن الله. اكثر حاجة خلت الناس تاكل حرام. وتعصي الرزاق هو الرزق العجب! يا للعجب العجاب! في مهرجان الضحك اللي احنا فيه! المفروض ان انا ابتغوا عند الله الرزق! لا يملكون لكم رزق - 00:04:58
ربنا لما جاب الرزق مع المخلوقين كلهم جابوا بالنكرة. لا يملكون لكم رزقا. ولما جاب الرزق معه هنا جابوا بالمعرفة فابتغوا عند الله الرزق لان هم ما يملكوش شيء اصلا. ما فيش اي نوع من انواع الرزق يملكوه. انما الرزق كله مش موله بكل انواعه عند الله -

00:05:18

الله والناس سايبه باب ربنا وبتجري على كل الابواب للأسف الشديد عايزين نفهم النهاردة القضية صح. وعايزين زي كل اسم من اسماء الله الحسنی. البوصلة بتاعة قلوبنا تتوجه صح. اخواني واحبابي في الله. اسم النهاردة ممكن يحمل تغييرات جبارة جوة حياة كل واحد منا - 00:05:38

النهاردة بيبهرك وبيشوقك وبيفهمك. اسم النهاردة بيظمنك. اسم النهاردة بيخليك تحب الناس كلها. وما عدتش تغير من حد حد وتضايق من حد وده قطع عيشي وده جاي وهي جاية على قوتي انا ويموتي ما حدش يعرف يجي على قوتك اصلا. ما حدش يعرف يلعب في القضية دي اصلا. دي - 00:05:58

مش بايد حد نهائي هو الرزاق سبحانه وتعالى. اسم النهاردة بيعرفك حجم المخلوق الحقيقي ان لا يملك لك اي احد اي شيء في هذه القضية بالزات اسم النهاردة هيملى قلبك بالرضا عن اللي ربنا اداه لك واللي انت ما خدتوش. اسم النهاردة هيخليك ما تمدش -

00:06:18

ايدك على حاجة حرام عشان اسم النهاردة رسالة تحذير للامة. رسالة تحذير لكل واحد بيكسب الفلوس بتاعه من دي جي حرام كل اغاني حرام ولا حفلات حرام ولا ربا ولا مصدر حرام ولا واحدة عشان عشان يجي لها زوج مكياج ولبس ضيق - 00:06:38
وعلاقات محرمة وصور آآ سيئة وكل ده ليه؟ عشان عايز الرزق كل ده هيغير اسمه رزق اتكتب لك من قبل اتخلق بخمسين الف سنة قد ايه الناس عصت؟ الرزاق عشان الرزق فاسم النهاردة يعني اول حاجة هيبيهرك لما تعرف ان - 00:06:58

كل سانية ربنا بينزل من السما ستاشر مليون طن مطر. ستاشر مليون طن مية في السانية. الف وربعمية مليار مليار لتر مية في البشر الانسان بس. خد بالك ده فيه عشرين مليون نوع كائن حي على وجه الارض. ده ده غير ارزاق ربنا - 00:07:18

في كل حوالي ستميت الف مليار طن من اللحوم الانسان بس بيستهلكهم. ستميت الف مليار طن من فواكه الانسان بس بيستهلكه.

الانسان مش حاسس يعني ايه الرزاق. ربنا بيرزق بيخلق ارزاق قد ايه. اسم النهاردة بيظمنك ان انت رزقك - 00:07:38
انا فاكر يا اخواني ودي رسالة للشباب اللي متخرج واللي الدنيا قدامهم سودا. وبالزات جيل التسعينات اللي الدنيا كلها حاسين ان هي

عليهم ومستنئين الشمس تطلع من مغربها ويتفتح لهم اي تأشيرة لاوروبا او للغرب عشان يسافروا وينقذوا أنفسهم. يمكن شمس الامل
في - 00:07:58

حياتهم تيجي ثاني واحد من الناس مرة عزمي على العشا باتناشر جنيه. باتناشر جنيه كان العشا بتاعي حوالي اتناشر جنيه. انا فاكر
وهو خارج من الضيق المادي اللي هو فيه قال يا ريتني ما عزمك. يا ريتني مع زامتك. هذا الشخص الان عنده حوالي ربع مليار جنيه.
ربع مليار جنيه - 00:08:18

شاب من الشباب محاسب فقير ده ده قصة تانية وحاجة تانية عايزين نضمن عايزين نطمئن عايزين اسم الله الرزاق يطمنا وفي نفس
الوقت يفهمنا نوصل ازاي نوصل ازاي لي احنا نفسنا فيه من الدنيا ومن سائر الارزاق بروشته سهلة بسيطة ومضمونة ومضمونة
ومفعولها مضمون لان فيه - 00:08:38

شباب للأسف الشديد بيتعامل مع ربنا كأن هو صندوق النقد الدولي. انت مش عايز تقبل على الله ليه ؟ اصل ربنا عشان يديني فلوس
زي صندوق النقد كده هيشروط علي وهتزل. صندوق النقد الدولي وممكن يزل البلد عشان يديها فلوس وفي الاخر سلف كمان. ربنا
مش كده. ربنا ايسر حد تاخذ - 00:08:58

منه اكرم حد يعطيك. اسرع حد يفرج كرياتك. اسم الله الرزاق هيصح مفاهيم كتير قوي عندنا. محاسب فقير. يعني بيقول اللي كان
يجيب لي كرتونة بيض كنت يعني ارجع بيتي بقى لمراتي واقول اللهم لك الحمد على الرزق الواسع. بيقول بعد خمس سنين كنت -
00:09:18

اتصدق بالعربية. عربية كده يعني بيطلع صدقة عربية كده خلاص حتى ما عندوش وقت يبيع القديمة. القديمة يعني يعني بقى رزقه
اوسع من انه يفكر تمن القديمة وبيتصدق بها. الرزق يا اخوانا قضية كبيرة اوي وشغلة الانسان. ويا ريت يا ريت تيجي في قلوبنا
اليقين - 00:09:38

على اسباب الرزق العظمى. لو اليقين جه في قلب البنات. على ان الجواز سببه قيام الليل زي ما سببه الجمال. لو اليقين جه في
الشباب على ان الشغل سببه صلاة الجماعة زي ما سبب الشغل كده يعني الوسائط لو اليقين دي في قلوبنا - 00:09:58

على اسباب السماء وعلى اسباب الرزاق العظمى لفتح الارزاق على البشر. حياتنا هتتغير. كلنا عندنا تجارب كتير قوي في الرزق. يلا
نبدأ مع بعض بقى الرحلة الجميلة قوي ديت مع اسم الله الرزاق. نبدأها الاول بمفهوم الرزق. يعني ايه الرزق ؟ طبعاً الرزق مش فلوس
يا جماعة ودي حاجة معروفة. العروسة الطيبة الجميلة - 00:10:18

السيدة المطيعة رزق. الولد الصالح رزق. الزرية المتفوقة رزق. الجار الصالح رزق. على فكرة الطاعة رزق. الدرس اللي انت حاضره ده
رزق الصلاة قيام الليل ان ربنا يدك ركعتين رزق. الحج والعمرة ان ربنا يفتحهم لك تأشيرة وتسافر ده رزق الحجاب. ان واحدة
تتحجب - 00:10:38

برزق كل حاجة في الدنيا دهيت هي رزق يا اخوانا انك يجي لك شقة انك انت يجي لك عربية انك انت يجي لك وظيفة ان يجي لك
مصدر دخل ان رزقك يزيد كل ديت ارزاق. مجموع السانوية العامة نص درجة زيادة في طالب سانوية عامة. رزق وبيفرق في رزقه
طول عمره. انك - 00:10:58

تذاكر سؤال هيجي في امتحان بكرة رزق ان ربنا يفتح نفسك للمذاكرة رزق انك انت انك ترزق صحبة صالحة قاعدة جنبك او قاعدة
جنبك قاعدة جنبك او قاعدة جنبك رزق. الرزق ده مفهومه كبير اوي اوي. الجنة اعظم رزق ولهم رزقهم فيها بكرة وعشية. اعظم
رزق في - 00:11:18

وجود كله هو الجنة الحب رزق اني رزقت حبها. الايمان ومعاني العلم رزق كلما دخل عليها زكريا المحراب وجد عندها رزق بعض
المفسرين قالوا يعني معاني من الايمان والعلوم. سيدنا زكريا وهو نبي يبهز بها. انت جبت العلوم دي مينين ؟ مين اللي علمك المعاني
الجبارة - 00:11:38

اللي مخلياكي قاعدة ليل نهار في المحراب مش راضية تسببيه. وانتم بست من اهلك مكانا شرقيا. مين اللي علمك العلوم المهولة دي

يا مريم؟ مين ايه اللي فكيك في ايات الله الفقه المهول ده يا مريم؟ العلم الشرعي رزق الدنيا كلها يا جماعة الجمال جمال الملامح
طولك بالسنتي وزنك - [00:11:58](#)

بالكيلو كل ده ملامح زوجتك. ملامح اولادك تعليم اولادك شهادتك. كل ده رزق. وفيه رزق اجساد وفيه رزق ارواح انا معظم اللي انا
قلته ده رزق اجساد. ولكن فيه رزق ارواح. ورزق الارواح اغلى واعظم مليون مرة من رزق الاجساد. يعني انت تختار ركعتين تبكي
فيهم - [00:12:18](#)

خشية الله في التلت الاخير من الليل ولا الف جنيه؟ انت تختاري تختاري ان ربنا يرزقك حجاب امهات المؤمنين ولا مليون جنيه؟
تختار ان قلبك يتملى حب ربنا وده رزق عظيم. ولا يجي لك شركة من الشركات تختار ايه؟ عشان كده احد الصالحين عصى. فما
لقاش عقوبة. فقال يا رب - [00:12:38](#)

عصيتك فلم اجد عقوبة. فكأن الله الهمه ان اني حرمتك حلاوة مناجاتي. انا ما حرمتكش رزق الاجساد بس العقوبة جت في رزق
الارواح. وهو اعظم من رزق الاجساد. رزق. الله الرزاق. بيعمل ايه في حياتك - [00:12:58](#)
خيرات جبارة. تغييرات جبارة في حياة الانسان اللي اسم الله الرزاق. هيسكن في قلبه. عرفنا يا شباب؟ عرفنا لما بنقول اللهم ارزقنا.
اللهم وارزقنا يا خير الرازقين. يبقى انا بطلب من ربنا ايه! ده انا بطلب من ربنا كل حاجة. ده انا باطلب من ربنا رزق الارواح ورزق
الاجساد ويفتح لي في الطاعة وباطلب من ربنا الجنة - [00:13:18](#)

وباطلب من ربنا الفلوس وباطلب من ربنا الجواز. حتى لو انت متجاوز مرة وبطلب من ربنا كل حاجة. انت ما بتقولش يا رب انا عايز
اتجاوز تاني. انت بتقول يا رب ايه - [00:13:38](#)

ارزقني ها يا رب يبقى فيه دعوات زكية. ها من غير ما اللي حواليك يفهموا فيه ايه؟ انت تفهم انت عايز ايه. يبقى اللهم ارزقني نية
بتشمل كل حاجة انت محتاجها في معاشك وهتخلي حياتك جميلة. ولا يملكها لك احد الا الله. اسم الله الرزاق. بيعمل ايه في
حياتك بقى؟ اول حاجة - [00:13:48](#)

ببهرك. ببهرك ازاى؟ يعني ايه الرزاق يا جماعة؟ الرزاق يعني خالق الارزاق الارزاق وموصل الارزاق. الله اكبر. يبقى
الرزاق دي يعني اللي بيعمل ثلاث حاجات. رقم واحد خالق الارزاق خلقها. بس لو مجرد ان ربنا خلقها طب يعني ممكن التفاحية دي
جاية لنا من لبنان يبقى مجرد ان ربنا خلقها - [00:14:08](#)

انت استفتد ايه؟ يعني رقم اتنين مقدر الارزاق اللي كل واحد منكم الوقت يا شباب ربنا كاتب له رزقه كاتب له رزقه من الزرية
ورزقه من ملامحك وطولك ورزقك في الوظيفة ورزقك في الشهادة ورزقك في الزوجة. ورزقك في مستقبلك ودخلك في كل لحظة
من لحظات حياتك كام. وكاتب - [00:14:38](#)

يقول لك عدد انفاك الموت هو انتهاء رزقك من الاكسجين. الموت هو انتهاء رزقك من كل بق مية ربنا كتبه لك وكل لقمة ربنا كتبها
لك. ساعتها تموت بقى. ساعتها تموت خلاص. لان رزقك خلص. ما عدش لك رزق في الدنيا دهيت. اول حاجة خالق الارض -
[00:14:58](#)

اتنين مقدرها يعني ايه مقدرها؟ يعني اللي مقسم لكل واحد ولكل واحدة كل واحدة هتتجاوز مين؟ وهتتجاوزوا ازاى؟ تتجاوزوا امتى؟
هتخلف منه كم عيل هات كل حاجة رزق يا اخوان يبقى مقدر للارزاق. لو بس ربنا خالق الارزاق ومقدر الارزاق انت تظمن! يبقى انت
جاي تظمنت! لا. لو - [00:15:18](#)

وربنا ما بيوصلش الارزاق انا مش هاطمن. ما هي دي ربنا سبحانه وتعالى آآ خلقها. وربنا قدرها لي. ها ولكن ديت في امريكا ولا
في لبنان ولا في استراليا هاجيبها ازاى؟ يبقى انا هتطلع روعي عشان اجيب كل حاجة ربنا كتبها لي في الرزق. موصل - [00:15:38](#)
معنى مهول مهول معنى توصيل الارزاق ده. زي ما هناخد الوقتي ونحاول نعيش بقلوبنا باذن الله مع هذا المعنى. خالق الارزاق خالق
الارزاق يا اخواننا فيه سبعة مليون نوع كائن مختلفين على وجه البر واثنتين مليون في البحر. العلماء بيقولوا اصلا كل الانواع اللي
اكتشفت ديت ما تجيش - [00:15:58](#)

عشرة في المية من المخوات اللي موجودة على وجه الارض. وبيقولوا الموضوع ممكن يبقى اكثر من عشرين مليون نوع كائن حي. والبعض قال حوالي مية مليون نوع كائن حي. فتخيل بقى - [00:16:18](#)

خلق الارزاق لكل دول. اللي خلق الارزاق لما كان اسبوع شباب الجامعات بتستسنى تستضيفه الجامعة هنا عشر تلاف شاب. الجامعة بتتقلب يتفقوا مع الفنادق ومع عن كل المطاعم ويتقلب الدنيا في الطباخين جوة الجامعة ليه؟ عشر تلاف بني ادم هنفطرهم ونغديهم ونعشيهم. امال بقى - [00:16:28](#)

لو كل واحد من دول له اكل غير الثاني. وده الملح بتاعه غير ده. وده بياكل مسلوق وده ني في دي ودي سوتيه. وكل واحد منهم له نوعية غير الثاني - [00:16:48](#)

وكل واحد منهم له مواعيد اكل غير الثاني. وله حاجات في اكله غير الثاني. كانت الجامعة يحصل لها ايه بقى؟ كانت الناس تتجنن فيها تأكل عشر تلاف ازاي! امال ربنا - [00:16:58](#)

اللي كل يوم على صباحية ربنا سبعة مليار بني ادم في الانسان بس. عايز تعرف عدد الحشرات اضرب عدد البني ادمين في متين. يعني حوالي الف حوالي الف وربعميت مليار مليار حشرة على وجه الارض. غير تسع تلاف نوع طيور غير خمسين الف - [00:17:08](#) آآ الجمبري بس والقشريات غير ثلاثين الف نوع اسماك غير عشرين مليون نوع كائن حي كل نوع عدده قد ايه؟ كل دول الصبح رزقنا يا رب بعد الظهر غدانا يا رب. بالليل عشاننا يا رب. خالق الارزاق داهي كلها. اذا كان عشر تلاف واحد تأكيلهم دي حاجة - [00:17:28](#) وكل واحد رزقه غير الثاني. وكل واحد اكله غير الثاني. وكل واحد نزام حياته في الاكل غير الثاني. خالق الارزاق. اتنين مقدر الارزاق يعني ايه مقدر يعني التفاحة دي من وهي مزروعة في لبنان مكتوب عليها اسم مين - [00:17:48](#) مكتوب عليها اسمي. انت بتبص لي كده ليه يا جدع انت وهو. الحمد لله ان الرزق بايد ربنا. باصين لي حتى في عضم التفاحة! يبقى القطة دي مكتوب عليها ايه - [00:18:08](#)

واحدة بتقول لزوجها انا مش عارفة ايه العمل الصالح اللي انت عملته عشان ربنا يرزقك بي. قال لها ده انا كل حياتي كبائر مقدر الارزاق. بق الماية نازل في الشلالات. بتاعة وسط افريقيا - [00:18:18](#)

انت مكتوب عليها اسمك انت. بق الماية اللي انت بتشربه ده بتاعك انت. اللقمة دي بتاعتك انت. مكتوب عليها اسمك انت. مقدر الارزاق سبحانه وتعالى. الحاجة الثالثة موصل الارزاق. ياه! موصل الارزاق يا جماعة! ازاي رزقك ده بيوصل لك! ازاي - [00:18:38](#) الحيتان في قيعان البحار فيه مخلوقات بحرية تحت تحت قاع البحر بعشرين الف متر. الرزق بيوصل لها ازاي؟ الفران اللي عايشة على قمة جبال الهيمار والقرد الرزق بيوصل لهم ازاي؟ الدبة اللي في القطب الشمالي. الرزق بيوصل لهم ازاي؟ النمل اللي موجود في البراري. المخلوقات اللي عايشة - [00:18:58](#)

قلب الغابات الاستوائية يا اخوانا بيقول لك معظم غابات الارض ما فيش رجل بني ادم دخلتها اصلا. الرزق بيوصل لهم ازاي؟ في ازاي الارزاق توصل لكل دول من الافلام اللي احنا بنشوف المشهد الختامي بتاعها وما نشوفش بدايتها. مشهد آآ يعني فيه مئات الملايين من اسماك السردين - [00:19:18](#)

عند شواطئ اوروبا عايشة هناك. فيه بقى عند امريكا الجنوبية شاطئ امريكا الجنوبية. فيه بقى ملايين الحيتان واسماك القرش والطيور اللي هي ما عندهاش حاجة تاكلها في الوقت ده. ما بين دول وما بين دول قد ايه يا اخوانا؟ ما بين دول ودول قد ايه؟ اتناشر الف كيلو متر. المحيط الاطلنطي ده - [00:19:38](#)

ما بين شاطئ اوروبا وما بين شاطئ امريكا الجنوبية. ده ربع مساحة الكرة الارضية. في عشرين في المية من مية الكرة الارضية. اتناشر الف كيلو متر. طيب دي هي رزق اللي هناك دول. طب ازاي هياكلوها؟ ربنا بيعت تيارات مائة بسرعة تمانين كيلو في الساعة. الطيارات دي - [00:19:58](#)

مقلبة الاعشاب الخضراء وتاخذها وتجري في سرعة الطيارات. يقوم مئات الملايين من اسماك السردين هتتجنن على الاكل ده. فيفضل مئات الملايين من اسماك السردين تجري ورا الاعشاب الخضراء تجري. لحد ما الطيارات تاخذها لحد شواطئ امريكا الجنوبية

بملايين من الحيتان واسماك القرش الحوت الوجبة بتاعته الواحدة اثنين طن سمكة يجيبها منين؟ ربنا بيديها له مش هيديك انت مش هيديك انت اللي بتعبده ولا بتسجد له. ويا اللي عايش عشانه. اطمئن. اطمئن. موصل الارزاق. تلاقي الطيور - 00:20:38 قاعدة تنزل تاكل بمئات الالف. والحيتان بالالف واسماك القرش بالالف. كل ده يا اخوانا مش الطيور هي اللي اتناشر الف كيلو عشان تاخذ رزقها. ده الرزق هو اللي مشي اتناشر الف كيلو عشانها. الرزق هو اللي راح لها لحد - 00:20:58

عندها. ولو ما كانش راح لها كانت ضاعت. كانت ماتت من الجوع. الرزق هو اللي راح لها لحد عندها. موصل الارزاق. عشان كده في الدعاء اللهم يا من ترشي الاثر اللهم يا من ترزق النعاب في عشبه. اللهم يا من ترزق النعاب فقال وما النعاب - 00:21:18 ان عبده ابن الغراب. الغراب اسود والغرابة سودا. فيخلفوا الغراب الصغن ابيض. فلما يلاقوه ابيض ينكروه ده مش ابننا ولا ها فيقوموا راميينه. تخيلوا بقى مخلوق ضعيف. عاجز. ما بيشوفش للسمعة. لسه ما لوش ريش. لسه ما لوش - 00:21:38 اجمعها امه وابوه راموه. يعني ميت ميت وهالك هالك. ربنا يخلق له غدد عند منقاره افرز مادة تجزب الديدان. الديدان تيجي لحد فين؟ لحد بقه. التيدان واحد لحد بوقه - 00:21:58

ربنا وصل رزقه لحد منقاره. وهو عاجز لا يملك اي وسيلة. سبحان موصل الارزاق سبحان من تكفل بتوصيل الارزاق. النهاردة يعني بذاكر كده باشيل ورقة لقيت فتفوت البسكوت كده وانا باكل مرة وقعت فبشيلها كده من على المكتب وقلت سبحان الله! ممكن ده رزق نملة دلوقتي على الارض هرميها هتوصل لها ربنا هيوصل لها رزقها. زي - 00:22:18 ربنا بيوصل الارزاق للدنيا دي كلها. ممكن واحد يتدخل في شغلك عشان يرفدك. تقوم انت هيقطع عيشي. يا ابني يا سازج. ده انت في باب ثاني وربنا هيفتحه لك اعظم ميت مرة لولا ان ده اتقفل ما كانش الثاني هيتفتح. ياما وكل حياتنا مليانة قصص بهذا المنظر يبقى اول حاجة - 00:22:48

اسم الله الرزاق يبهرك. ببهرك بمعانيه الثلاثة الخطيرة. المتكفل بخلق الارزاق. اثنين المتكفل تقسيم الارزاق وتقدير الارزاق وتوزيع الارزاق. ثلاثة المتكفل بتوصيل الارزاق من ايام ما كان البشر اتنين لحد ما بقى البشر سبعة مليار. وكل واحد له قصة غير الثاني. وربنا بيوصلها لك - 00:23:08

حب مش يعني انا ممكن مسلا تقول لي تتصل بي الله يكرمك آآ انا بس آآ جعان آآ هات لي بس اكل من المطعم الفلاني. وما علش الله يكرمك. انا باحب السلطة هات لي اتنين كيلو طماطم وخيار كده معك وانت جاي بس من بتاع الخضار وربنا يبارك فيك بقى. عدي على اي محل بقى حلويات كده تجيب لي حنتين جاتو - 00:23:38

ومعلش ربنا يحفزك انا بحب اقزقز كده تسالي عدي على المقلة هات لي مش عارف ايه. وربنا يبارك فيك السوبر ماركت بقى ايه حاجة ساقعة كده وانت جاي والله بقى فانا جاي لك اصلا انا مش طايق. اقوم كابب لك الحاجة وماشي. شف بقى السحابة ربنا جابها لك ازاي. السحابة دي لو نزلت الماية اللي فيها - 00:23:58

هتبقى تسونامي سماوية. السحابة دي بيبقى فيها مئات الالف من اطنان الماية. لو نزلت الماية اللي فيها كلها مرة واحدة السحابة فتح نزلت على البشر تسونامي تميت كل شيء. تبديد كل شيء. الماية في السرعات العالية بتشق الفولاز. تبديد كل شيء - 00:24:18 انما ربنا نزلها لك نقطة نقطة. وعلى قد احتياجك وبعد كده تمشي. بعد ما تروي لك حياتك وتروي لك كل حاجة. ده بيوصلها لك وكمان بحب وكمان برفق. اتنين اسم الله الرزاق بيعمل فيك ايه؟ اسم الله الرزاق بيظمنك. بيظمنك بيظمنك يا كل واحد - 00:24:38 انشغلت عن الرزاق بسبب الرزق. يا كل واحد عصيت الرزاق بسبب الرزق. يا كل واحد ما عندكش وقت للرزاق. اصل انا مشغول بالرزق. اسم الله الرزاق بيظمنك. لي واحد قريبي. قريبي. كنت مرة بزوره كده في عيد من الاعياد اسلم عليه. فهو كان فقير جدا -

جدا وبقى مليونير جدا. فيعني فييقول لي انا اصلا يعني ازاي بقى اختلى فجأة؟ فيقول لواحد صاحبي رجل اعمال مسافر تركيا عشان يشتغل عشان يتاجر هناك ويجيب حاجات مضايح وكده. فييقول لي فييقول لي فخدني معه ونس. خده معه ايه؟ ونس كده

يعني اذا مسلا - 00:25:18

انا مسافر وانس اقوم واخذ مسلا ايه آآ اي حد. آآ اخده معي ايه ؟ اتونس به هناك كده. فييقول لي انا ماشي هناك بقى قعد يتمشى هو ما لوش وظيفة هناك رايعها - 00:25:38

اكثر من بيونس بيونس الراجل والفسحة بيقول لي لقيت حاجات حديد كده مرمية راميينها. فالحاجات الحديد دي ايه دي ؟ ده الحديد ده قاعدة مع بيستخدم عندنا في الريف الفلاحين بيستخدموه في الحصاد والحرت وبتتباع عندنا بعشر تلاف جنيهه الواحدة. فبقول لهم هو ايه ده ؟ قالوا لي ده حاجات بنرميها - 00:25:48

فيها ما لهاش اي قيمة عندنا وبنرميها ده ده قريبي. اهي اللي كسر النفس. ايه اللي لقيتهم هناك بيرموها لان هو طبعها هناك بقى السكك غير هنا خالص في الزراعة والحاجات - 00:26:08

لان ما لهاش اي قيمة عندهم ولا تساوي شيء. قلت له ما استوردها. طبعها برخص التراب. يجيبها هنا يبيعها بكم ؟ بالافات. بقى مليونير في لحظة في لحظة الله قادر كنا ستاشر واحد كده صحبة. شلة واحدة في الدفعة بتاعتنا. اخري في في كلية الطب ستاشر والله يا اخوانا كان منا من لا يجد - 00:26:18

يعني يجد قوت يومه بالعافية. يعني المعظم كان حالته المادية صعبة جدا. اول ستاشر واحد اتجوزوا في الدفعة. اول ستاشر والله انا لما شفت يعني فتح الله الله على المجموعة كلها. افكرت كلمة عبدالرحمن بن عوف ظننت اني لو رفعت حجرا لوجدت تحته ذهب. الناس الملتزمة المتدينة بتوع صلاة الجماعة - 00:26:38

او صلاة الفجر اللي شائلة هم الدعوة الى الله. اكثر ناس ربنا فتح لها في الرزق. اكثر ناس بقيت امشي كده. بعد كذا سنة سبحان الله العظيم اقبال واحد من اصحابي طحن وراح وعمل وموت نفسه. واقول سبحان الله العظيم يعني في النهاية في النهاية يعني اللهم لك الحمد - 00:26:58

اللهم لك الحمد. يا اخوانا عايزين نعرف يعني ايه اسم الرزاق بيظمنك. يعني ايه بيظمنك ؟ سيدنا آآ الحسن البصري رحمه الله لما سمع قول الله سبحانه وتعالى فو رب السماء والارض انه لحق. وفي السماء رزقكم وما توعدون. قال قاتل الله اقواما اقسام الله - 00:27:18

لهم فلم يصدقوه. ربنا بيظمنك. ما انتاش عايز تظمن ليه ؟ مش عايز تصدق ربنا سبحانه وتعالى ليه ؟ شوفوا ربنا بيظمننا ازاى شوفي ربنا بيقول لك رزقك مضمون. رزقك مضمون يا ابني. ربنا وقدر فيها اقواتها. من - 00:27:38

قبل ما ربنا يخلقك بخمسين الف سنة قدر فعل ماضي. زي ما ربنا يقول الله الذي رزق خلقكم ثم رزقكم. يا رب رزقنا فعل ماضي يا رب انا لسة ما رزقتش. رزق ماضي. يا عم القصة خلصت. ورزقك اتكتب وهيحي لك هيحي لك. وقدر فيها اقواتها - 00:27:58

يعني اللي يقول لك آآ الماية هتقل وما عدش هيبقى فيه مية وهتقوم الحربة عشان اه ممكن تقوم الحروب بس افتعال من الدول الكبيرة عشان تسيطر هم ما يغيروش حاجة في الحياة غير بالحروب. دي الوسيلة بتاعتهم دايمًا يعني التغييرات الكبيرة في المناطق وكده. انما فعلا ماية ربنا بيقول قدر فيها اقواتها - 00:28:18

غير بق مية هيشربوا انسان على وجه الارض ربنا كتبه لآخر غنمة هتتدبح لآخر دجاجة وماشية هتتدبح وبقرة لآخر حاجة هتتدبح قدر فيها اقواتها. اوعى تصدق ان ربنا خلق مخلوق وما خلقلوش من قبل ما ييجي بخمسين الف سنة رزقه. زي ما انت كده مسلا مسافر مسلا برة - 00:28:38

خلص اربع سنين في جامعة اجنبية ابوك يقول لك يا ابني انا لا عايزك تمد ايديك لحد ولا عايزك تتزل لحد ولا عايز نتفضح قدام حد ولا عايزك تمد ايديك على حاجة - 00:28:58

انت يا ابني مصاريك لارب سنين دي كم ؟ اكلك كم ؟ شربك كم ؟ فسحة كم ؟ طيرانك رايح جاي في الاجازات كم ؟ سكنك مصاريك دراستك كام ؟ كل حاجة كام ؟ المبلغ اهو. اوعى تمد ايديك على حاجة حرام، واوعى تزل نفسك لحد. اهي - 00:29:08

قدر فيها اقواتها بتدلوا نفسكم ليه ؟ بتقول فلان هيقطع عيشي ليه ؟ بتقول اجيب منين ليه ؟ بتمد ايديك على بوم ليه بتنشغل عن

الرزاق بسبب الرزق ليه ؟ يعني انت يا اللي مديت ايدك على الحرام كانت جاية لك في الحلال - [00:29:28](#)

بس انت استعجلت وخذتها في الحرام. كانت جاية لك لو صبرت وھتخس بها الجنة جات لك في الحرام وھتخس بها النار. هي كانت رزقك. بس انت اللي ما صبرتش تاخذها من حلال. الا ان تموت نفس حتى تستكمل رزقها - [00:29:48](#)

يا اخي ده رزقك وانت جنين. لا بتصلي ولا بتصوم ولا بتعبد. مش هيرزقك الوقت ليه؟ يا اخي ده رزق اليهودي ورزق الملحد. مش هيرزقك انت ليه ؟ يا اخي ده رزق الفران والحشرات والنمل في مجاهيل الارض. مش هيرزقك انت ليه ؟ ليه ربنا مش - [00:30:08](#)
زوقك انت اسم الاثر. قالت يا ابن ادم. خلقت السماوات والارض. رزقك مضمون. يا ابني رزقك مضمون. يا ابني ما تزلش نفسك ما تقلقش نفسك واللّه. عشان كده يا اخواننا في كل الاسماء الحسنی نقول سبحان الله! اما نحكي بقى عن قصص العجائب والكرامات
الي - [00:30:28](#)

حصلت للعبد ربنا بها الا اسم الله الرزاق. كل اللي رزقوا رزقوا بطرق عجيبة. كل اللي رزقوا. يعني احكي اقعد مع شباب آآ يعني يحكي لك لما تخرج ربنا عمل له ايه ؟ اقعد مع الاغنيا. عقلك يتوب. يتوه يقول لك كل القصة دي كان بدايتها ايه ؟ اقعد مع الناس اللي -
[00:30:48](#)

اتجوزت ازاي ؟ قصص يا اخواننا هو ربنا في الرزق السنة كده. يرزقه من حيس لا يحتسب. هي سنة كده ان ربنا ملا الرزق بالعجائب عشان الكل ينبر عشان الكل ينبر برزق الله سبحانه وتعالى. في الاثر. يا ابن ادم خلقت السماوات والارض ولم اعي - [00:31:08](#)
خلقهن افاعييني رغيف خبز اسوقه اليك. ازاي مش مصدق ان رزقك مضمون خربت السماوات. السماوات دي لما تبص لها كده تقول الي خلق دي ما يقدرش يرزقني انا. حاجة تتوه العقل يا جماعة. يعني السماوات دي بتتقسم - [00:31:28](#)
المسافات بسرعة الضوء. يعني يقول لك لو انت راكب مركبة آآ عربية ماشية بسرعة الضوء تلف حواليين الكرة الارضية من خط الاستواء تمن مرات في الثانية. تمن مرات في الثانية الواحدة. قال لك عشان توصل لطرف مجرة التبانة بالعربية دي بعد ميت الف سنة. عشان توصل لطرف - [00:31:48](#)

كون المرصود بالتلسكوبات مية وستين مليار سنة. مليار سنة. اللي خلق الملكوت ورد والمسافات ما بين مجرة التبانة اللي فيها متين وخمسين مليار نجم ديت يقول لك الفرق اقرب نجم لنا. لو ركبت العربية اللي ماشية بسرعة الضوء دي توصل له بعد اربع سنين. بعد اربع سنين. بيقول لك المسافات ما - [00:32:08](#)

النجوم مزهلة زي مسافة ما بين مركب في البحر الاحمر ومركب في المحيط الاطلنطي كده. مسافات مزهلة. اللي خلق الملكوت ده كله. ما يقدرش يرزقك ما يقدرش يعمل لك لقمة العيش بتاعتك. ما يقدرش زي الصورة اللي احنا سمعناها في صلاة المغرب اللي بتحكي لك قصة رغيف العيش. هنتكلم في الاخر بقى بازن الله - [00:32:28](#)

سبحانه وتعالى على هذه القصة المزهلة. قصة رغيف العيش وقصة بق الماية اللي ربنا سبحانه وتعالى عمله عشانك. ما يقدرش يرزقك. الراجل اللي كان ماشي في المجاعة ولقى واحد فرحان يقول له ايه انت فرحان؟ قال له لي سيد يملك حديقتين. كيف اخاف؟ طب انا ليه يا رب؟ يملك السماوات والارض - [00:32:48](#)

الملا لتنفد. يمينه سحاء الليل والنهار. اخاف ازاي على رزقي؟ يا اخوانا المفروض ما بيقاش ده حالنا. المفروض ان احنا نبقي اغنى ناس في الدنيا كلها زي الصحابة. الصحابة كانوا اغنى ملطيم اليونيرات في العالم كله. بعد ما هاجروا وشالوا وحكموا - [00:33:08](#)
بقوا اغنى ملط مليونيرات في العالم كله ليه؟ هو الدين اصلا بيتسبب في سعة الارزاق ساعة رهيبة ولكن للأسف الشديد احنا مش مطمئنين ما احناش مطمئنين. ازاي حتى بق الماية ربنا بيحبب ليه؟ يا عم اطمئن. يا عم واللّه العزيم رزقك مضمون. ربنا جعل عشان بق الماية اللي يجي لك ده ربنا جعل - [00:33:28](#)

تسعة وسبعين في المية من مساحة الارض مية. الشمس بتبخر في السانية ستاشر مليون طن. ستاشر مليون طن مية. في السانية الواحدة مليون طن مية. يعني خمسمية الف مليار طن في السنة. بيطلعوا بيقوا سحب. حاولوا يسيطروا على السحاب ويخلوا -
[00:33:48](#)

المطر ينزل في ايه ده ولا ما فيش الكلام ده! كنت في السعودية السما متكربسة سحاب. ما فيش نقطة تنزل. سبحان الرزاق! مش رزقهم ده كل سحابة ماشية عارفة هتنزل الماية بتاعتها فين. مش لزوم ده. سبحان الله! ينزل الماية ستاشر مليون طن في السانية. تنزل عشان - [00:34:08](#)

الماية اللي مكتوب عليه اسمك. بتاعك انت اطمئن. اطمئن ربنا عمل عشانك ايه. اطمئن ربنا سبحانه وتعالى. يا عبادي كلکم الا من اطعمت فاستطعموني اطعمکم. فاستکسوني آآ اکسکم يا عبادي لو ان اولکم واکرکم وانسکم وجنتک. هو انت مش مصدق - [00:34:28](#)

ممکن اکلک ده انت لو اولک واکرک وانسک وجنک قاموا واتسألوني فاعطيت کل واحد مسألته ما نقص ذلك من ملک شیئا. ده انا لو البشرية هي کلها في الثانية الواحدة طلبت کل الارزاق ادها لها. ولا يعينني هذا ما اقدرش ارزقک انت. ما اقدرش اديک انت. رزقک مضمون يا ابني - [00:34:48](#)

انما توعدون لصادق. الطير اللي بيجار واهه بتأكله في بقه مش بينادوا على امه ده بيقول يا الله! يا رزاق يا الله اه عشان كده ربنا سبحانه وتعالى قال ان الله هو الرزاق ذو القوة المتين. يعني ايه؟ اصل قضية الرزق عانزة قوة رهيبة رهيبة - [00:35:08](#) دي القوة المتين سبحانه وتعالى ولله المثل الاعلى. يعني الله هو الرزاق. بس يعني ايه ذو القوة؟ ذو القوة لما حبوا يعملوا السد العالي. كان فيه معبد هناك كده في الحطة بتاعة السد العالي. سبعين دولة تعاونوا عشان ينقلوه من مكانه. جن واحد انا اتیک به قبل ان یرتد الیک. قبل ان تقوم من مقامه - [00:35:28](#)

جن واحد اية الكرسي تحرق اقوى جن. الله قادر. قوة البشر شف مهولة قد ايه. وقوة الله سبحانه وتعالى فوق هذه القوى كلها من اولها لآخرها. ذي القوة المتين. يعني ايه المتين؟ المتين ده ولله المسل الاعلى يقول لك الكرسي ده متين. يعني انا مسلا آآ واحد ميت كيلو مسلا يقوم قاعد - [00:35:48](#)

ايه يقول لك يستحمل طب في واحد متين كيلو يستحمل. طب لو تلتमित كيلو يستحمل. طب لو الف كيلو! المتين ارمي کل حمولک عليه. مهما ما زادت حمولة كيشلها. لما كان بيوفر رزق اتنين على وجه الارض من الف السنين. والوقت بيوفر رزق سبعة مليار ولا يعيني هذا - [00:36:08](#)

سبحانه وتعالى مهما رميت حمولک عليه. عشان كده ربنا بيقول للبشر وفي السماء رزقکم. رزقک مش في العيادة. رزقک مش في المحل. رزقک مش في السوبر مارکت رزقک مش في السوق. رزقک في السما. رزقک عند الله سبحانه وتعالى. محتاجة تصدق. رزقک - [00:36:28](#)

اعند الله بيد الله. اطمئن. اطمئن وحط في بطنک شادر بطيخ. يبقى تاني حاجة في اسم الله الرزاق. اول حاجة ان هو يببهرک. تاني حاجة ان هو بيطمنک بيطمنک عشان كده اسم الله الرزاق ده بيقول لك اوعي تيأس عديت خمسة وتلاتين سنة وما اتجوزتيش اوعي تيأس. انت اخرجت وبقالك خمس ست سنين لا لاقى شغل ولا عارف - [00:36:48](#)

اوعي تيأس اوعي تيأس اللي حاولت تدور على عروسة واتنين وعشرة ومش اوعي تيأس. رزقک عند ربنا بس انت اطلبه صح. واوعي تكسل في طلبه. واحد صاحبي بیسأل مرة يعني واحد آآ يعني بيفلح في الغيط يعني - [00:37:08](#) ميته بيفلح في الارض. فيقول له لو انت زي ايام زمان الارض بتتروى بالمطر بالمطر. كنت تضع صلاة الفجر؟ قال له لأ طبعا عمري ما كنت ابتغوا عند الله الرزق يا جماعة. ودي النقطة الثالثة اسم الله الرزاق بيفهمک. بيفهمک الطريق للدينا. وعلى فكرة - [00:37:28](#) ده اخطر نقطة في اسم الله الرزاق. دي اخطر نقطة ان اسم الله الرزاق بيفهمک. بيفهمک الطريق للدينا. الطريق جواز ما تعرفش تاخذ من ربنا شقة بركعتين! ده انت غلبان اوي! والله العزيز ده انت غلبان قوي. ما تعرفش تاخذ من ربنا شغلانة بركعتين - [00:37:48](#) هو انت غلبان للدرجة دي؟ ما تعرفش تتجوزي بقیام الليل يا اخوانا ربنا سبحانه وتعالى لو في کل شیء. ولكن ان العجز وعدم معرفة الله وقلة الثقة في الله. وقلة العزم في عبادة - [00:38:08](#)

لا توصل لدرجة ان شباب امة مش عارف يتجوز الله اكبر احنا وصلنا للعجز للدرجة ديت ما تعرفش ترفع البطالة عن نفسك وتشتغل

بركعتين ما تعرفش هو هو الرزق بالركعتين بس ما فيش رزق بالسعي. لأ ما احنا في الآخر هنقول اسم الله الرزاق بينشطك. بينشطك - [00:38:28](#)

ويخليك ما شاء الله لا قوة الا بالله. قمة الكفاءة والجهد والاجتهاد. اللي فاهم اسم الله الرزاق ده اللي لو انت فاتح شركة احسن واحد تعينه عندك. لانه هيبقى انشط - [00:38:48](#)

واحد اصلا واكثر واحد عنده نشاط في الامر وفي وفي امر الرزق ان انا دلوقتي بتكلم في حنة تانية بقى. انا بتكلم في اخطر نقطة في الدرس كله. اسم الله الرزاق بي فهمني - [00:38:58](#)

الطريق للدنيا الطريق لكل رزق من ارزاق الدنيا. يقول لك كيف تصبح مليونير؟ كيف تصبح عايزين نصدق يا اخوانا بقف مع الشباب يقول لك ضايعة ضايعة خرابانة خرابانة. يا ابني هو انت مصدق! الرزاق ولا مش مصدق الرزاق! ما انتش مصدقه! فيه ناس مش مصدقة يا جماعة! فيه ناس مش مصدق - [00:39:08](#)

ان الرزق بيبجي غير بيمشوا في مناكبها. بس هو ده الباب الوحيد. ما فيش باب ثاني خالص. وفيه ناس مصدقة بس انا حلول ربنا بقى عشان ربنا يفرجها عليا من عنده ها لازم هتقعدها تقولوا لي بقى بتصلي الفجر ولا لأ؟ وبتصلي الخمس فروض ولا لأ؟ وبتغض بصري! لا يا عم! الحلول اللي هتخنفني - [00:39:28](#)

زي حلول البنك الدولي دي مش عايزها. الحلول دي ايه ايه يا ابني فرط من قسورة! يا ابني ربنا انه كان بي حفية. اسهل حد تاخذ منه هو الله سبحانه وتعالى عايزين نصدق عايزين النساء تصدق ان زي ما الجمال بيتجوز بقدره الله قيام الليل بيجوز عايزين الشباب - [00:39:48](#)

ان زي ما الوسائط بتشغل بقدره الله صلاة الجماعة والدعاء بيشغل. عايزين نرجع ثاني صدق بالحسن نصدق في قمة على ان اسباب السماء بيقضى بها الارزاق. وبتأتي بها الارزاق. الطريق للدنيا. اسم الرزاق بي فهمك. بي فهمك ايه - [00:40:08](#)

ان انت المفروض لو انت فاهم الاسم ده حالتك ما تبقاش كده. يبقى حق الله. امال ايه يا عم هو الصالحين ليه مش آآ مش اغنيا بقى لما انت بتقول الكلام ده؟ اول حاجة الصحابة كانوا اغنى مليونيرات - [00:40:28](#)

بداية يعني انما كثير من الصالحين يا جماعة هو اصلا لا يطلب هذه الامور. ليه؟ لانه مشغول بحاجات تانية اصلا. يعني هو لو ربنا جاب مليون جنيه اعمل بهم ايه يعني؟ انا مش ده الترند بتاعي او مال الترند بتاع حضرتك ايه؟ يا عم انا عايز ربنا يديني الانس دي. انا عايز احصل معرفة الله. انا عايز انصر - [00:40:38](#)

هو ده اللي شاغلني. مش عارفين ابن تيمية وبعض الصالحين يعني لما اتقال له لما لم تتزوج قال لو ذكرت لفعلت. انا مش مشغول بالكلام ده. انما فعليا الطاعة بتجيب دنيا اه الطاعة بتجيب دنيا. الطاعة بتجيب رزق! ايوة الطاعة بتجيب رزق. الصلاة! واحد صاحب محل بيقول لي بيقول لي انا الديان - [00:40:58](#)

وخلاص كح التراب. خلاص من الفقر والضييق والهمل اللي انا فيه. وادايك وكنت هقفل التجارة بتاعتي. ما بيصليش بيقول واحد معدي علي قال لي يا عم صل عشان ربنا يفتحها في وشك. بيقول لي بيقول لي رحت اصلي رجعت انا ما اعرفش الزباين دول جم منين. انا ما اعرفش - [00:41:18](#)

بقى شكله ايه! ربنا فتحها ليه لما صلى السيدة عائشة بتقول عجبك لمن لا يصلي الفجر! كيف يرزق! ادي باب تعرف ترزق بالصلاة! فيه باب ثاني اه فيه ثاني الدعوة الى الله. ايه؟ الدعوة الى الله. الدعوة الى الله سبب رزق. الدعوة الى الله من اعظم اسباب الرزق في الحياة. انك تشيل مسؤولية دين الله - [00:41:38](#)

عبدالرحمن بن عوف لما هاجر مع النبي شال هم الدين بيقول ظننت اني لو رفعت حجرا لوجدت تحته ذهب. من كتر ما ربنا فتح عليه شاييل هم الدين فربنا يحمل عنه هم الدنيا. شاييل هم الدعوة فربنا يحمل عنه هم الرزق. شاء من جعل همه هو الله كفاه الله هم كل شيء - [00:41:58](#)

الصحابة اللي خارجين في الغزوة. وخلاص جراب التمر اللي النبي عليه الصلاة والسلام اداه لهم خلص. خرج لهم حوت مش سمكة

بورى. حوت من الماية فضلوها ياكلوا فيها اسابيع. اسابيع قاعدين ياكلوا فيها وجابوا منها للنبي عليه الصلاة والسلام. ايه الرزاق -

00:42:18

اللي شايلى هم الدين ده ربنا بيفتحها ليه ؟ من حيس لا يحتسب. الرزاق يا اخوان عشان كده النبي عليه الصلاة والسلام كان بيقول لسيدنا علي بن ابي طالب. هو خارج يقاتل اليهود في - 00:42:38

فمستني الغنائم والحصن ده لو ما كانش اتفتح كان الصحابة ماتوا من الجوع. الصحابة مستنيين يفتحوه عشان ياكلوا ويشربوا. فالنبي بيقول للعاد استنى استنى لان يهدي الله بك رجلا واحدا خير لك من حمر النعم. خير يعني الخير اللي هيجي في حياتك. بسبب دعوة واحد - 00:42:48

اذ يلتزم على ايديك احسن من قطع من الابل ييجي في حياتك. واحد لما كنت في بنجلاديش واحد من من بتوع جنوب شرق اسيا لما سمع عن التنصير في افريقيا فباع بيته ومراته قعدت مع اهلها يعني زي ما انا اللي مراته عشة كده حاجة بسيطة خالص كده مكان - 00:43:08

العمارة اللي باعها وسافر افريقيا وواجه التنصير هناك. فيعني سبحان الله العظيم مراته وهي نايمة سمعت في عشة الدجاج اللي هي جنب الحاجة الصغيرة بتاعتها البسيطة خالص صوت كده فالمهم يعني اكتشفوا ان فيه صقر دخل في العشة دي. فطبعاً بقى اما طلوعوا الصقر ده والطريقة بتاعته انتم عارفين الصقر بكام يا جماعة - 00:43:28

في واحد لسه بايع سهر في السعودية بمليون ونص. مليون ونص. في صقور متباعة في مرسى مطروح بنص مليون جنيه. ها فالصقر بيوصل تمنه بعض انواعه بتوصل الاركان اشترت البيت اللي جوزهم اللي جوزها باعه وفضل معه فلوس رجع من الدعوة الى الله لقي البيت رجع تاني وزيادة عليه من رزق الله - 00:43:48

وتعالى. الله قادر سبحانه وتعالى. الله قادر. قربنا فتح لنا باب الدعوة الى الله. ربنا فتح لنا باب الصلاة. ربنا فتح لنا باب الصلاة اه. يا ابن ادم انفق وانفق - 00:44:08

عليك الصلاة ادي حديقة وادي حديقة. الحديقة دي ربنا قال للسحابة اسقى حديقة فلان. بالامر والحديقة دي ربنا خسف بها الارض الحديقة بتاعة اصحاب الجنة في سورة القلم. اشمعنى دي واشمعنى دي ؟ دول كانوا بيتصدقوا. الراجل ده كان بيتصدق بتلت ما يملك. انما التانيين دول - 00:44:18

منعوا الصدقة عن خلق الله سبحانه وتعالى. الصدقة ابواب كتير من الرزق نكمل بعد الاذان ان شاء الله. الحمد لله وكفاه. وصلاة وسلاما على عباده الذين طبعنا انا مش عارف نعمل ايه يا اخواني لانها تقريبا دلوقتي خلصت ربع الدرس. فاحنا المفروض نصبر مع بعض بقى لحد ما نخلص - 00:44:38

كله مستحتملين يا رجاله؟ معنا للصبح ان شاء الله بازن الله يجوز مد العشاء الى انتم عارفين يعني ان شاء الله بازن الله يجوز مد العشاء لحد ثلث الليل يعني وممكن اكثر من كده كمان ولا انتم لكم اقوال تانية فقهية ماشيين وراها؟ لكم اقوال اخرى؟ انتم خايفين كده ليه - 00:44:58

على فكرة من الارزاق الكلمة اللي انا باقولها دي يعني انت ممكن تحضر درس للشيخ احمد جلال الدكتور عبدالرحمن الصاوي للشيخ علي قاسم ممكن ييجي كلمة على لسان الداعي الى الله الكلمة دي تحل لك مشكلة في حياتك دي رزق من ربنا لك. ده من ارزاق الله. يا ترى انت ربنا رزقك ايه النهاردة؟ يا ترى ايه الحاجة اللي هي رزقك النهاردة - 00:45:18

انت خرجت برزق ايه يعني الكلمة اللي بتتقال دي رزق يا اخواني في الله ان ربنا ده معنى الرزق ده معنى مهول. اللي يفهم معنى الرزق ده عقله يتوه وهو بيقول اللهم ارزقني يا خير الرازقين. حاله يتوه. عارفين المسل بتاع الحريقة اللي قامت في مستشفى المجانين؟ كل اللي لابسين ابيض دكاترة وممرضات جريوا - 00:45:38

وكل المجانين بقى اللي لابسين واللي مش لابسين واللي لابسين اي حاجة جروا من باب تاني. لو انت في مستشفى المجانين ساعتها بس مش مجنون يعني بتزور حد من الناس يعني - 00:45:58

تجري وراء العاقلين ولا وراء المجانين؟ اهو ده اللي حصل في المجتمع المصري دلوقتي. وفي مجتمعات عربية كتير. حريقة الفقر اتقضت. حريقة الفقر طريقة البطالة حريقة العنوسة. حريقة اللازمة الاقتصادية. حريق حرايق اقتصادية مرعبة وحرايق اجتماعية -

00:46:08

مرعبة ولعت في المجتمعات بتاعتنا في هذه الفترة تجري ورا اللي جروا على الرزاق ولا تجري مع اللي ادوا زهرهم تجري مع العاقلين ولا تجري مع الماجرين؟ يا عم ده اللي جرم الباب ده كتير اوي اوي. يا عم مجانين. يا عم والله العزيز كل واحد هيدي

00:46:28 - زهره للرزاق

ظروف اللي احنا فيها ديت ده بيتجنن على نفسه. الشاب اللي اول ما يتخرج من الدفعة حفلة التخرج الراقصة فلانة المغنية فلانة يا ربي يا ابني ده انت خارج مادد ايديك بتشحت من ربنا بتقول له رزق يا رب. مستقبلي يا رب - 00:46:48
عندي شقة ولا ابويا سايب لي فلوس اتجوز بها. ولا فيه شغل اشتغل وخارج تبارز الرزاق بالمعاصي كنت في احوج لحزة في رزقه. زي طالب السانوية العامة. اللي بييجي يعصي ربنا في السانوية العامة ويتفرج على موقع اباحية. يا ابني ده انت في اكثر سنة محتاج -

00:47:08

الرزاق فيها في حياتك. وان رزق ربنا لك بنص درجة يغير لك مستقبل حياتك. يا ابني انت محتاج الرزاق دلوقتي. الشاب اللي يتخرج يدفع رشوة عشان شغلانة. هو انت بالرشوة عايز الرزق من الرزاق؟ البنت اللي تتخرج من الجامعة خلاص ما اتجوزتيش. هتعيشي لي

00:47:28 - كده في دار

رابعة العدوية لحد امتي؟ يلا الحقي البسي. يلا الحقي غيري. يلا الحقي. اتصاحبي. يلا الحقي يا بنتي انت هتقعدي هتقعدي لنا في البيت تعملي ايه عشان تاخذ الرزق تعصي الرزاق. قضية كبيرة قوي يا اخوانا اللي يوم حفلة الجواز بتاعته يجيب راقصات ويجيب مغنيين. يا ابني ده انت في الليلة دي بتقول - 00:47:48

يا رب ارزقني الزرية تبدأها بالمعصية وانت بتستنظر رزق الله. سبحانه وتعالى الامة كلها محتاجة اسم الرزاق يغير لها تفكيرها محتاج التفكير يتغير. ابواب كتير اوي. ربنا فتحها لك عشان الرزق فتح لك باب صلة الرحم. من اراد ان يبسط له في رزقه - 00:48:08
فليصل رحمه. يبسط يعني لو عايز تبقى غني. يبسط له في رزقه. يعني لو عايز تبقى غني اوي. لو عايز تبقى راجل عندك فلوس كتير وقبالاك كتير. فليصل رحمك اجري على صلة الرحم بسرعة. العبادة. العبادة من اعظم ابواب الرزق. كلما صفت استمرار. كلما دخل

00:48:28 - عليها زكريا

يا رب وجد عندها رزقا. شف بعد كلمة المحراب رزقا. كل ما تعبد ترزق كل ما تعبد ترزق. كل ما تعبد ترزق وترزق ايه؟ فاكهة في الصيف وفاكهة الصيف في الشتاء. يعني غير الشباب كلهم. تتخرج تلاقي ربنا بيفتح لك ابواب غير كل الناس. تلاقي ربنا بيفتح لك

00:48:48 - ابواب غير كل البنات

ازاي؟ هو من عند الله. من عند العبادة. قل ما يعبأ بكم ربي لولا دعاؤكم او لولا عبادتك. لولا عبادتك ربنا يشيل عنك اعباء الحياة ايه الدعاء ربنا رزق سليمان مملكة مملكة بالدعاء. ربنا رزق ابن - 00:49:08

دولة دولة الحجاز بالدعاء. ربنا رزق سيدنا محمد خالد ابن الوليد مؤسس امبراطورية الاسلام في الارض بالدعاء. ربنا رزق ربنا ممكن يرزقك ايه بالدعاء. انك انت تثق في كلمة يا رب انها ممكن تغير لك حياتك. ركز في الدعاء مع الرزاق. ركز انك تدعي الرزاق بالرزق -

00:49:28

وشف ربنا ممكن يغير لك حياتك قد ايه. العبادة. الدعاء الاستغفار. الحديث اللي صححه الشيخ احمد شاكور في مسند الامام احمد. من لازم الاستغفار لازم يعني بقى ملازم له. ها بقى ملازم. من لازم الاستغفار جعل الله له من كل هم فرجا. ومن كل ضيق مخرجا. ورزقه من

00:49:48 -

حيث لا يحتسب من لازم الاستغفار. الشاب اللي كان في الحرم اللي بيقول لي اسبوع استغفار. واحد صاحب سلسلة فنادق. جاي بيقول له امسك له حسابات الفنادق كلها. واجوزك بنتي بيقول لي ما اعرفوش. ولا عمري شفته ولا سعيت له هو اللي جه

قاعد جنبني في الحرم وانا قاعد استغفر رب - 00:50:08

وهو اللي عرض علي كل ده وانا قاعد استغفر ربنا. الشاب قعد يكلمني ويبيكي. من لازم الاستغفار جعل الله له من كل هم فرجا من كل ضيق مخرجا ورزقه من حيث لا يحتسب. ربنا فاتح لك ابواب كثير. فقير ليه؟ كل الابواب دي ربنا فتحها لنا للرزق فقراء ليه -

00:50:28

بنكسل في عبادته ليه؟ مش مصدقينه ليه؟ ما هو ابواب اهي عامله بهذه الابواب وشف ربنا سبحانه وتعالى هيعمل لك ايه المفروض ان الناس اللي امة محمد دي كانت تبقى اغنى الميت ملياردير الاوائل على العالم كان يببقوا من امة محمد اصلا. ليه؟ لانها المفروض الامة اللي بتعمل الكلام ده - 00:50:48

لما ادينا زهرنا للرزاق عشان الارزاق بقينا افقر خلق الله. بقينا افقر دول العالم. للاسف الشديد. اربعة يبقى اسم الله بيبهرك آآ موصل الارزاق وخالق الارزاق ومقدر الارزاق. اتنين اسم الله الرزاق بيظمنك. رزقك مضمون. مضمون - 00:51:08

مضمون الواحد كان عايز يجيب قصص كثير في النقطة دي بس يعني سبحان الله على قد الوقت يعني ايه القصص رهيبه وكلها واقعية وكلها من حياة الناس اللي قاعدين قدامنا دلوقتي ثلاثة اسم الله الرزاق بيفهمك. الطريق الى الدنيا. عايز دنيا؟ الطريق الى الدنيا اهو - 00:51:28

الطريق الى الدنيا انك تقبل على الرزاق. اخر نقطة بقى نخلصها النهاردة بازن الله سبحانه وتعالى. ويعني ربنا ييسر بقى ايه؟ بعد كده بقى ايه ممكن نكمل الكلام بعد كده لان فيه نقاط في غاية الاهمية. اسم الله الرزاق بيوفر لك عمرك. بيوفر لك عمرك. الموضوع مش جري وحوش يا ابني - 00:51:48

اوعى تفتكر ان الرزق ها هيروح. رزق مش هيروح. عشان كده فامشوا في مناكبها. امشي ليه؟ انا لما اكون مستعجل اركب تاكسي وبسرعة الله يكرمك. يا عم صلاة الجنازة هتفوتني! انما لما يكون صاحبك مستنيك وانا يا عم سهران طول الليل وقاعد مستنيك! ومشي هامشي! لحد ما تيجي! بتروح مشي بقى سلانسيه! خلاص - 00:52:08

امشوا ليه؟ امشي ليه؟ لان رزقك مستنيك ما تخافشي. الموضوع مش بجري الوحوش. الموضوع مش الجري اللي الناس بتعمله لأ على رزقك وكل حاجة ولكن انك انت عقلك يتوه من اجل الجنيه لأ للاسف الشديد يا اخواني في الله يوم ما اتخرجت آآ من الكلية اول يوم - 00:52:28

اتخرجت فيه من الكلية. يعني انا راجع من امتحانات سنة سادة اخر امتحان العملي بقى والتحرير بتاع مادة الجراحة. خلصتهم مروح اول ساعة لي لحتى صلاة الظهر في المسجد اللي جنب بيتنا. اول ساعة لي وانا متخرج. صليت الظهر وخارج. فطبعا بقى بيبقى احساس غريب - 00:52:48

كده بقى ايه انت بادئ حياتك. الان بدأت الحياة والمسؤولية عن الحياة. فخارج من المسجد كده فلقيت اتنين متساويين. يعني اتنين سائلين فما في واحدة منهم صعبت علي اوي. فقمتم حاطط في جيبي ايه؟ مسلا مسلا يعني معي عشرة جنيه وجنيه مسلا. فقمتم حاطط عشرة جنيه كده في حطة وانا - 00:53:08

ها عشان اديها للي صعبان علي. وجنيه بقى للي قريبة مني خالص ومش صعبانة علي مش منفعل معها يعني. يعني ايه ما فحاطط الجنيه عشان اديه للقريبة اللي مش صعبانة علي لقيت الثانية البعيدة جرت خطفت على ايدي. قامت واخدة الجنيه والثانية اهي - 00:53:28

اللي خدت العشرة جنيهه. فقلت سبحان الله! قمت ماشي. فطالع بقى العمارة بتاعتنا. فكان بيبجي بقى ايه اه عمال قمامة يشيلوا بقى القمامة من الشقق يعني فلقيت اتنين عمال قمامة بيحيلوا الايه القمامة من الشقق. وانا طالع كده وكان بير السلم بتاعنا واسع. يعني ابص منه كده اشوف ده في الدور الثاني وده في الدور - 00:53:48

فلقيت اللي بعيد عني هو ده اللي بحبه وصعبان علي بقى واياه؟ فبرضه نفس القصة. العشرة جنيهه مسلا حاططها بقى تحت عشان ده اللي ياخذها والجنه بقى للتاني عشان - 00:54:08

ما ينفعش ادي لده واسيبش ده يعني اللي مش متعاطف معه. باطلع الحاجة الاقل لقيت الثاني شافني باحط ايدي في جيبي. جري

جري هجم على ايدي. قام هو اللي واخذ الاقل - [00:54:18](#)

والثاني هو اللي خد الايه ؟ هو اللي خد الايه ؟ قلت سبحان الله! اللي جري مش هو اللي خد. ده هو اصلا سبحان الله! انا كنت انا اللي اروح له وانا اللي اوصل له اللي تلهف ده وطمع وجري ده هو ده ونسي صاحبه. والمهم ان هو اللي ياخذ هو ده اللي ما خدش اصلا. هو

- [00:54:28](#)

هو ده اللي خد اقل حاجة. فحسيت ان هو درس للواحد وهو لسه في اول يوم في حياته العملية. اوعى تفتكر انها جري وحوش.

اوعى تفتكر ان الموضوع بيبجي بالطريقة ديت - [00:54:48](#)

ساعات غيرك يسعي عشان انت تاخذ. سبحان الله! طبعا المفروض بقى المرة الجاية الكلام هيتزبط يا جماعة. يعني فيه سعي وفيه شغل وكل حاجة. ولكن ايه يعني ترتيب الكلام كده بقدر الله سبحانه وتعالى. ساعات غيرك يسى عشان انت تاخذ والله يا اخوانا هي

دي الحياة. احنا ما بنقولش كلام فيه اي حاجة غريبة. يعني ساعات غير - [00:54:58](#)

يعني انا في سانونية عامة احد الناس حبايبي قوي قرر ان هو يحسن ويحسن دي بقى والناس كلها وقفت في وشه وانا لازم احسن.

وانا يعني ايه كل ما ادخل امتحان يجي لي - [00:55:18](#)

اللجنة يقول لي زكرت النزرية وعمل جينات قبل امتحان الاحياء. يا ابني جينات مين يا عم! ده الاحياء دي اكثر مادة مذاكرها اصلا.

عمري ما قريت حياة بتقول كذا. ادخل الاقيها سؤال - [00:55:28](#)

امتحان واحد اداني نص اسئلته والله لم اكن اعلم منها والله سؤال واحد قبل ما ادخل اللجنة بالقيمة والله على باب اللجنة والناس

داخلة قال لي اربع اسئلة والله دخلت لقيت الامتحان تمن اسئلة منهم الاربعة اللي قالهم لي - [00:55:38](#)

احفظهم لي قبل ما ادخل نص درجة الامتحان. انا اما جيت احسب ده اداني ايه ربنا رزقني به قد ايه؟ لقيت اكثر من خمسة في المية

عارف يعني ايه خمسة في المية في المجموع؟ يعني مش كنت دخلت الكلية اللي كنت دخلت حاجة تانية خالص وبعيدة خالص

سبحان الله العظيم يعني ده - [00:55:58](#)

حسن عشان رزقك عشان ربنا يجيب لي الرزق بتاعي. سبحان الله الواحد يفتكر بقى وهو مصمم ان ولا صلاة تروح عليه في الجامع.

حتى ليلة الامتحان حتى الفجر يوم الامتحان. حتى في وسط الدروس ما فيش حاجة اسمها ان الادان يدن وانا قاعد آآ ودني من

طين ودن من عجين. حتى في التلات شهور اللي قبل الامتحان. سبحان الله! ما فيش حاجة بتضيع مع الله - [00:56:18](#)

ما فيش حاجة بتضيع مع الرزاق سبحانه وتعالى. فالموضوع مش جري وحوش. الموضوع مش ارمي وانسى وما فيش احيانا

بتتعامل مع بعض الطلبة اللي بيبقوا مسلا اوائل في كليتهم تيجي تكلمه عن الدين يحسسك ان انت بتكلمه عن مصيبة هتاخذ تفوقه.

منين؟ واجيب وقت منين؟ دي هدومك للمذاكرة. دي هدومك - [00:56:38](#)

عايز تتعامل كده انت حر. انما هي مش كده. ولا عمرها هتبقى كده. ولا هتيجي كده. واذا لم يكن من الله عون للفتى. فاول ما يجني

عليه اجتهاده انا خلصت الاربع عناصر دول ان شاء الله بازن الله يعني آآ نكمل باقي العناصر المهمة جدا جدا وفي غاية الخطورة

نعيش مع اسم - [00:56:58](#)

الله رزقه فرصة بقى ان فيه حاجات جميلة بقى يعني وبعض يعني امسلة الحياة يعني ممكن حتى نحاول ندرس بقى ايه الغني فلاني

والغني الناس دي جابت سروتها ازاي؟ والله يا اخوانا قصص اختناء الناس تضحك. قصص جواز الشباب تضحك. قصص الشغل بتاعة

الناس - [00:57:18](#)

تجار اشتغلت تضحك هو ده اللي جاب ده اي والله ربنا قادر يا اخوانا ربنا قادر ربنا قادر انه يرزقك وانه يفتح عليك ولكن انت امن

بالرزاق واعبد الرزاق واقل على الرزاق. آآ توصية الدرس النهاردة لان انا يعني احد اخواني معنا هنا. شيخ احمد انا عايزه بس في

دقيقة واحدة كده - [00:57:38](#)

بيقول لنا قصة لزيذة كده في دقيقة آآ عن موقف في الرزق حصل له في وقت كان هو محتاج فيه يعني فلوس. آآ وانا فكرت ان انا

اعمل كده النهاردة اصلا - 00:57:58

ان انا اجيب لكم مجموعة من رجال الاعمال آآ او التجار او الناس اللي ربنا فتح علينا وكل واحد ياخذ دقيقتين كده ويقول هي البداية بتاعته كانت ايه يعني ممكن الشيخ احمد بس الموقف بتاعه صغير وبسيط ولكن هو لزيز. وحلو فهنسمعه وبازن الله سبحانه وتعالى بعد كده نصلي العشاء وبعد كده فواكه بارتي - 00:58:08

بازن الله الرزاق آآ آآ اوعى تخرج النهاردة من غير ما تاخذ قرار. اوعى تاكل حرام. ربك اسمه الرزاق. اوعى تاكل حرام. اوعى تبدأ حياتك بحرام اوعى تمد ايدك على حرام. اوعى كل ما هتتقي الله في مصدر دخلك كل ما ربنا يفتحها لك اكرر. الله الرزاق. اوعى تزل نفسك لحد. اوعى تتكسر - 00:58:28

لحد عشان الفلوس. مش بقول لك اتجلفن على الناس بقى وخط رجل على رجل بقى وخط حذاءك في وش الناس. انا لا مش بقول كده. انما اوعى سل هو قلبك يتعلق ان حد في ايده رزقك ولا في ايده لقمة عيشك. ولا في ايده مصلحتك. الله بس هو الرزاق سبحانه وتعالى. اعرف ربنا سبحانه وتعالى صح - 00:58:48

اوعى الحاجة الثالثة اوعى تنشغل عن الرزاق بسبب الرزق. اعظم سبب للرزق هو الاتصال بالرزاق. والتعلق الى الرزاق وعبادة والاقبال على الرزاق. فابتغوا عند الله الرزق. فابتغوا عند الله الرزق. آآ آآ اسع على رزقك. ما تبقاش - 00:59:08

هايل لان الرزق مش معناه انك تكسل ولا معناه انك انت تقعد في مكان زي ما ناخذ المرة الجاية بازن الله سبحانه وتعالى فانصر من العناصر آآ درس الرزاق مش درس ضد السعي - 00:59:28

ولكنه درس ضد الهم. ضد انك انت تخسر دينك بسبب هم الرزق. ولكنه ليس ضد السعي على رزقك ابدا ابدا ابدا. قولوا قول هذا واستغفر الله لي ولكم - 00:59:38